

定本默空子門話

宣統二年庚戌
夏六孫詒澤題

墨子閒詁卷七

瑞安孫詒讓

天志上第二十六

春秋繩露楚莊王篇云事君者儀志事父者承意事天亦然此

天志之義也畢云玉篇云志意也說文無志字鄭君注周禮云志古文識則識與志同又篇中多或

作之疑古文志亦只作之也

子墨子言曰今天下之士君子知小而不知大何以

知之以其處家者知之若處家得罪於家長猶有鄰

家所避逃之

畢云廣雅云所尻也玉篇云處所王云所猶可也言有鄰家可避逃也下文同

畢引廣雅所尻也失之案此當從畢說下文云此然

且親戚兄弟所知識

親戚卽父母也下篇云父以戒子兄以戒弟

其相儆

畢云其舊作其一本如此下同

皆曰不可不戒矣不可不慎矣惡

有處家而得罪於家長而可爲也非獨處家者爲然

雖處國亦然處國得罪於國君猶有鄰國所避逃之
然且親戚兄弟所知識其相儆戒皆曰不可不戒矣
不可不慎矣誰亦有處國得罪於國君而可爲也此
有所避逃之者也相儆戒猶若此其厚況無所避逃
之者相儆戒豈不愈厚然後可哉且語言有之曰焉
而晏日焉而得罪將惡避逃之上日舊本作日畢校并
猶云日暮途遠兩日字舊作日以意改俞云畢改兩
日焉而字疊出文義難通疑上焉而字亦爲衍文墨
子本作且語有之曰晏日焉而得罪將惡避逃之晏
者清也明也說文日部晏天清也小爾雅廣言晏明
也文選羽獵賦于是天清日晏淮南子繆稱篇晦日
知晏陰晳知雨竝其證也此謂人苟於昏暮得罪猶
有可以避逃之處若晏日則人所共覩無所逃避矣
下文曰夫天不可爲林谷幽門無人明必見之然則
墨子正以晏日之不可避逃起下文明必見之之意
晏之當訓明無疑矣畢注謂猶云日暮途遠是但知

晏晚之義而忘天清之本訓宜於墨子之意不得矣
案俞說晏日之義是也此當以焉而得罪
八字爲句上焉與於同義焉而猶言於而言於此晴
晏之日焉而得罪也俞以上焉而二字爲衍文則尙
未得其義曰無所避逃之夫天不可爲林谷幽門無人畢
門當爲澗王云畢據明鬼篇文也余謂門當爲閒閒
讀若閑言天監甚明雖林谷幽閒無人之處天必見
之也賈子耳痺篇曰故天之誅伐不可爲廣虛幽閒
攸遠無人雖重巖石中而居其必知之乎淮南覽冥
篇曰上天之誅也雖在墮虛幽閒遼遠隱匿重巖石
室界障險阻其無所逃之亦明矣義皆本於墨子則
幽門爲幽閒之誤明矣明鬼篇雖有深谿博林幽澗
毋人之所幽澗亦幽閒之誤案王校是也但讀閒爲
閑尙未得其義閒當讀爲閒隙之閒荀子王制篇云
無幽閒隱僻之國莫不趨使而安樂之楊注云幽深
隔也閒必見之然而天下之士君子之於天也舊本
字及之於二字王據上下文補士忽然不知以相儆
字又以意補之於二字今從之戒此我所以知天下士君子知小而不知大也然則
天亦何欲何惡天欲義而惡不義然則率天下之百

姓以從事於義則我乃爲天之所欲也我爲天之所

欲天亦爲我所欲然則我何欲何惡

舊本無我字畢云一本則下有

我字案有者是也王亦據增

我欲福祿而惡禍祟若我不爲天之

所欲而爲天之所不欲

舊本挽此十五字王據中篇補

然則我率天下之百姓以從事於禍祟中也然則何以知天之欲

義而惡不義

吳鈔本無以字

曰天下有義則生無義則死有

義則富無義則貧有義則治無義則亂然則天欲其

生而惡其死欲其富而惡其貧欲其治而惡其亂此

我所以知天欲義而惡不義也

畢云我舊作義以意改顧云季本我

且夫義者政也

王云政與正同下篇皆作正詒讓案意林引下篇正皆作政二字互通義

者正也言義者無從下之政上必從上之政下是故所以正治人也無從下之政上必從上之政下是故

庶人竭力從事未得次已而爲政

畢云次恣字省文下同一本作恣俗

改王引之云畢說非也次猶卽也下文諸次字並同此言士在庶人之上故庶人未得卽已而爲正有士正之也次卽聲相近而字亦相通康誥勿庸以次女封荀子致士有坐二篇竝作勿庸以卽女家語始誅篇作勿庸以卽女心皆其證說文空古文作卽亦其例也案意林引下篇次並作恣則畢說亦通節用上篇云聖王旣沒于民次也恣亦作次可證有士政之士竭力從事未得次

己而爲政有將軍大夫政之

將軍大夫卽卿大夫也詳尙同申篇將軍

大夫竭力從事未得次己而爲政有三公諸侯政之

三公諸侯竭力聽治未得次己而爲政有天子政之

天子未得次己而爲政有天政之天子爲政於三公

諸侯士庶人天下之士君子固明知天之爲政於天

子天下百姓未得之明知也

畢云當云明知之也俞云上之字當在天字上

屬上爲句本云天子爲政於三公諸侯士庶人天下

之士君子固明知之今之字誤在天字下則固明知

句文氣未足且天爲政與天子爲政相對不當作天之爲政也案固明知下當有之字至天之爲政於天

子下文屢見之故昔三代聖王禹湯文武欲以天之
字似不當刪爲政於天子明說天下之百姓故莫不犧牛羊豕犬
彘潔爲粢盛酒醴畢云爲粢二字舊脫据後文增以祭祀上帝鬼神
而求祈福於天我未嘗聞天下之所求祈福於天子
者也顧云據中下二篇下字衍蘇校同戴云案中篇
云吾未知天之祈福於天子也則此文衍下字
及所求二字我所以知天之爲政於天子者也故天子
字及者字我所以知天之爲政於天子者也故天子
者天下之窮貴也天下之窮富也戴云窮極也此
二字轉相訓故
於富且貴者於吳鈔本作欲當天意而不可不順順天意者
兼相愛交相利必得賞反天意者別相惡交相賊必
得罰然則是誰順天意而得賞者誰反天意而得罰
者子墨子言曰昔三代聖王禹湯文武此順天意而
得賞也畢云賞下當有者字昔三代之暴王桀紂幽厲此反天

意而得罰者也然則禹湯文武其得賞何以也予墨

子言曰其事上尊天中事鬼神下愛人故天意曰此

之我所愛兼而愛之我所利兼而利之愛人者此爲

博焉利人者此爲厚焉故使貴爲天子富有天下業

萬世子孫傳稱其善

業謂臺駕能業其官杜注釋爲纂業

又疑當爲葉萬子孫葉與世同公孫龍子云孔穿孔

子之葉也萬下世字衍古文苑秦韻楚文云葉萬子

孫毋相爲不利檀弓云世世萬子

孫毋變也毛詩長發傳云葉世也

方施天下猶苟或

當爲萼字之壞詰讓案方窮古通皋陶謨方施象刑

惟明新序節士篇方作穷說文土部云穷溥也方施

言施溥徧

於天下也

至今稱之謂之聖王然則桀紂幽厲得其

罰何以也依上文當作其得子墨子言曰其事上詬

天中詬鬼道藏本吳鈔本竝作中誣鬼大戴禮記本

通畢云據上命篇云誣鬼神者罪及二世則作誣義亦

當有神字

下賊人賊舊本譌賤今依王校正說詳尚賢中篇故天意曰

此之我所愛別而惡之我所利交而賊之惡人者此爲之博也賤人者此爲之厚也

賤亦賊之誤此並家上文別相惡交相賊

而故使不得終其壽不歿其世

歿

吳鈔本作沒至今毀之謂言

之暴王然則何以知天之愛天下之百姓以其兼而明之何以知其兼而明之以其兼而有之何以知其兼而有之以其兼而食焉何以知其兼而食焉四海之內粒食之民

大戴禮記少閒篇云

粒食之民昭然明視莫不物牛羊

豢犬彘潔爲粢盛酒醴以祭祀於上帝鬼神天有邑人

畢云邑舊作人色非以意改

何用弗愛也且吾言殺一不辜者必

有一不祥殺不辜者誰也則人也予之不祥者誰也則天也若以天爲不愛天下之百姓則何故以人與人相殺而天予之不祥此我所以知天之愛天下之

百姓也

此我下吳鈔本有之字

順天意者義政也反天意者力

政也

力政下篇作力正謂以力相制義詳節葬下篇

畢云

舊脫

政字一

中篇

及兼

本有

子墨子言曰處大國不攻小國處大家不篡

小家強者不劫弱貴者不傲賤多詐者不欺愚

中篇

及兼

愛中篇下篇文並略同皆無多字此疑衍

此必上利於天中利於鬼下利於人三利無所不利故舉天下美名加之謂之聖王

力政者則與此異言非此

畢云非猶背

行反此猶倖馳也

畢云倖一本作脩詒讓案倖疑僻之誤玉篇人部云淮南子分流僕馳僕相背也與舛同今淮南子說山

訓作舛又汜論訓高注云舛乖也脩與背同見坊記投壺及荀子與僕義亦同

處大國攻小國處大家篡小家強者劫弱貴者傲賤多詐欺愚此

上不利於天中不利於鬼下不利於人三不利無所

利故舉天下惡名加之謂之暴王子墨子言曰我有

天志譬若輪人之有規匠人之有矩輪匠執其規矩以度天下之方圓曰中者是也不中者非也今天下之士君子之書不可勝載言語不可盡計上說諸侯下說列士其於仁義則大相遠也

畢云相舊作其一本如此

何以

知之曰我得天下之明法以度之

天志中第二十七

子墨子言曰今天下之君子之欲爲仁義者

吳鈔本君子下

無之字則不可不察義之所從出既曰不可以不察義之所欲出然則義何從出子墨子曰義不從愚且賤者出必自貴且知者出何以知義之不從愚且賤者出而必自貴且知者出也曰義者善政也何以知義之爲善政也曰天下有義則治無義則亂是以知義

之爲善政也

王云舊本脫兩爲字下篇曰何以知義

以此知義之爲正也今據補俞云三善字皆言字之誤隸書善字或作善見張遷碑靈臺碑孫叔敖碑與言字相似故言誤爲善義者言政也何以知義之言政也曰天下有義則治無義則亂是以知義之言政也語意甚明若作善政則義之善政不可通矣下篇曰義者正也何以知義之爲正也天下有義則治無義則亂我以此知義之爲正也竝無善字可知此文善字之誤義之言政猶義之爲正也夫愚且賤者不得爲政乎貴且知者畢云當脫貴且知者四字然後得爲政乎愚且賤者此吾所以知義之不從愚且賤者出而必自貴且知者出也然則義果自天出矣今天下之人貴天爲知而已矣然則義果自天出矣今天下之人曰當若天子之貴諸侯諸侯之貴大夫高明案畢說是也兩貴字下疑皆當有於字然吾未云

知天之貴且知於天子也子墨子曰吾所以知天之

高當爲高言確然可知鈕樹玉云高明當作然吾未

貴且知於天子者有矣曰天子爲善天能賞之天子爲暴天能罰之天子有疾病禍祟必齋戒沐浴潔爲酒醴粢盛以祭祀天鬼則天能除去之然吾未知天之祈福於天子也此吾所以知天之貴且知於天子者不止此而已矣又以先王之書馴天明不解之道也知之畢云馴與訓同言曰明哲維天畢云舊作臨君下土士舊本作出王引之云下出二字義不可通上天照臨下土耳隸書出字或作士若敷省作款之類形與土相似故土譌爲出案王說是也今據正則此語天之貴且知於天子不知亦有貴知夫天者乎夫吳鈔本作于曰天爲貴天爲知而已矣然則義果自天出矣是故子墨子曰今天下之君子中實將欲遵道利民本察仁義之本天之意不可不慎也

慎與順同上文下文
屢云順天意下文既以天之意以爲不可不慎已然

則天之將何欲何憎畢云之子墨子曰天之意不當有意字欲大國之攻小國也大家之亂小家也強之暴寡詐之謀愚貴之傲賤此天之所不欲也不止此而已

脫不字

又止作上王校補

本

字畢校改上爲止

今並據正

欲人之有力相營

文選

陸士衡贈從兄車騎詩李注引

鍾會老子注云經護爲營

舊

本

有道相教有財相分也又

欲上之強聽治也下之強從事也上強聽治則國家

治矣下強從事則財用足矣若國家治財用足則內

有以潔爲酒醴粢盛潔吳鈔本作絜以祭祀天鬼外有以爲

環璧珠玉以聘撓四鄰畢云撓與交同音諸侯之寃不興矣

一切經音義云古文寃憲二形

今作怨同蘇云寃當讀如怨

邊境兵甲不作矣內

有以食飢息勞持養其萬民

荀子榮辱篇楊注云持

舊

本

養保養也義詳非命下

篇

則君臣上下惠忠父子弟兄慈孝故唯毋明乎順

天之意

唯舊本作惟今據吳鈔本改毋語詞詳尚賢中篇

奉而光施之天下

廣通光與

則刑政治萬民和國家富財用足百姓皆得煖

衣飽食便寢無憂

廣雅釋詁云便安也寢舊本作寢今據吳鈔本改

是故子

墨子曰今天下之君子中實將欲遵道利民本察仁

義之本天之意不可不慎也

慎亦讀爲順

且夫天子之有

天下也

戴云子字衍

辟之無以異乎國君諸侯之有四境

之內也

吳鈔本辟作譬畢云辟同譬

今國君諸侯之有四境之內

也夫豈欲其臣國萬民之相爲不利哉

俞云臣國當爲國臣正對國君而言君曰國君故臣曰國臣也今倒作臣國義不可通

今若處大國則攻小

國處大家則亂小家欲以此求賞譽終不可得誅罰

必至矣夫天之有天下也將無已異此

畢云已同以

今若

處大國則攻小國

畢云舊脫則字据下句增

處大都則伐小都

鈔

本二句竝無則字

欲以此求福祿於天福祿終不得而禍祟

必至矣然有所不爲天之所欲而爲天之所不欲則

夫天亦且不爲人之所欲而爲人之所不欲矣人之

所不欲者何也曰病疾禍祟也

畢云舊脫禍字据下文增

若已不

爲天之所欲而爲天之所不欲是率天下之萬民以

從事乎禍祟之中也故古者聖王明知天鬼之所福

而辟天鬼之所憎以求興天下之利而除天下之害

是以天之爲寒熱也節四時調陰陽雨露也時五穀

孰道藏本吳鈔

本作熟俗字六畜遂疾蕃戾疫凶饑則不至

戾厲字通

詳尙同中篇

是故子墨子曰今天下之君子中實將欲遵

道利民

畢云舊脫一本有

本察仁義之本天意不可不慎

也且夫天下蓋有不仁不祥者曰當若子之不事父弟之不事兄臣之不事君也故天下之君子與謂之不祥者畢

王云故猶則也

今夫天兼天下而愛之檄遂

萬物以利之

物吳鈔本作民下同畢云說文云擊有擊也但未詳擊遂之義俞云檄遂二字

義不可通檄當爲邀疑本作邀或作檄傳寫誤合之爲檄邀而邀又誤爲遂耳邀與交通莊子庚桑楚篇夫至人者相與交食乎地而交樂乎天徐無鬼篇作吾與之邀樂於天吾與之邀食於地是交邀古通用也邀萬物以利之卽交萬物以利之與兼天下而愛之同義交猶兼也案俞說迂曲不足據韓非子說林上篇云有欲以御見荆王者曰臣能檄鹿莊子至樂篇云莊子至楚見空髑髏檄以馬箠成玄英疏云檄打擊也依韓子檄鹿義推之疑當爲歐御之義遂或當爲逐之譎然下文云以長遂五穀麻絲使民得而財利之則遂字又似非誤未能質定也

若豪之末

豪吳鈔本作毫下同畢云豪本作豪毫字下

正文經典同謂當從下文作爲俞云非上脫無字下文或从毛非非天之所爲也爲舊本作謂今據吳鈔本正蘇云非上當有莫字下同言雖至秋豪之末無非天之所爲也而民得而